

不空羅索神變真言經卷第十二 改二

唐南天竺三藏法師菩提流志奉詔譯

廣博摩尼香王品第十六

爾時觀世音菩薩摩訶薩復白佛言世尊是不空摩尼香王三昧耶有大神力能請十方一切諸佛菩薩摩訶薩一切諸天真言明仙加持成就持真言者一切諸法廣大悉地亦能摧伏一切妬裔天龍藥叉羅刹乾闥婆阿素洛緊那羅藥魯荼摩呼羅伽諸惡鬼神亦能消滅世間藥毒蟲毒瘴蠱呪詛鬼神諸病人民歡喜增長成熟福蘊善根及解除過現十惡五逆四重等罪三十三天天主帝釋從昔至今恒以此香塗身熏服假香神力與阿素洛陣敵鬪戰常皆得勝那羅延天亦以此香塗身熏服假香神力降伏一切阿素洛王

復常得勝大自在天亦以此香塗身熏服假香神力燒三樓天復常得勝復於往昔佛未出時見有國王號名半拏羅婆梟捉亦以此香塗身熏服假香神力共驕羅瞞王陣敵鬪戰亦復得勝世尊菩提樹下初成正覺坐金剛座降諸魔軍亦以此香塗身熏服假香神力及慈悲力摧諸魔軍一時散壞昔有商主號名成就諸事居士遊於海中採得寶珠而被却失亦以此香塗身熏服假香神力誓弘願言竭大海水住立海岸抒大海水不踰一日海水欲盡令諸龍王惶怖持珠却還商主商主得珠即進還家以是寶珠置於幢頭復以此香燒熏寶珠其珠是時七日七夜雨諸珍寶以斯因故說是香王有大神力能大成就持真言者今彼難陀龍王跋難陀龍王往

昔嘗與娑伽羅龍王七日七夜海中鬪戰王俱吐毒渾大海水總成毒水大自在天亦以此香塗身熏服假香神力海中吸服三龍王毒頃變青色伏變龍毒而成甘露以斯因故說是香力能滅毒故昔有國王號曼馱多王亦以此香塗身熏服假香神力誦念求願得金輪王常得百千苦行仙衆供侍輿輦王四天下遊騰虛空往三十三天與天帝釋間一牀坐忽起惡心作大妄語即便却墜退失輪王以斯義故持真言者應常如法真語實語發菩提心常行大悲燒焯此香則得一切如來神力加被成就世尊如是說者爲諸有情解除十六地獄苦故說解除餓鬼一切饑渴羸瘦苦故說解除世間一切災厄結使故說令於今當持真言者成就故說自他求願燒

此香者皆發悲心若自求者即稱自名若爲他者應稱他名供養誦念亦得如願日月蝕時惡星現時國王大臣沙門婆羅門一切人民有厄難時應淨洗浴當以此香塗身熏服燒焯供養假香神力讀誦不空霸王陀羅尼真言三昧耶則令一切災厄疾病解除消滅觀世音菩薩神祐加護持真言者清淨沐浴當以此香塗身熏衣以大悲心溥爲十方一切地獄餓鬼傍生一切有情燒焯供養假香神力誦持不空王陀羅尼真言能令十方一切地獄餓鬼傍生一切有情遇香風者皆得解脫若有有情性多瞋恚愚癡障者清淨洗浴當以此香塗身熏衣於諸有情起大悲心至誠懺悔誦持不空王陀羅尼真言速得解除瞋恚愚癡一切結使地獄重罪若常

淨浴塗身熏衣依法作法誦持母陀羅尼真
 言十萬遍悉地王真言十萬遍當證不退灌
 頂地住得諸如來加被金剛無間三摩地凡
 燒此香所供養處猶如十方一切如來舍利
 制多亦如十方一切如來香雲光明官殿住
 處亦如六十四苑伽沙俱胝那度多百千如
 來香雲刹土轉法輪處亦是一切菩薩摩訶
 薩金剛諸天真言明仙四天王神半支迦藥
 又大將娑多藥又大將形麼婆多藥又大將
 摩尼跋陀藥又大將布羅跋陀藥又大將佛
 力藥又大將那吒鳩鉢羅藥又大將及諸藥
 又大將各并眷屬恭敬擁護與加願處亦是
 伊首羅天摩醯首羅天大梵天帝釋天那羅
 延天三十三天恭敬擁護與加願處亦是日
 天月天星天二十八宿主星神天毗摩夜天

功德天辯才天持地天水天商棄尼神樹林
 神山神池神河神海神恭敬護處亦是焰摩
 王俱廢羅天俱摩羅天苦行仙衆日夜護持
 恭敬供養猶如十方一切如來舍利制多處
 亦是觀世音菩薩摩訶薩一切眷屬香雲宮
 殿法會住處若有有情得此香者則得修習
 阿耨多羅三藐三菩提道告諸天言汝當諦
 聽我為利益持真言者一切有情說摩尼香
 王伽他頌曰

黑沉水香安悉香 乾陀羅娑香煎香
次二
 數各一百八分香 三十二分熏陸香
 新鬱金香小甲香 二種數各十分香
 多識羅香白膠香 那弭嚕香蘇合香
 迦野塞訖香丁香 茅香數七各二分
 惹莫迦香青木香 塞畢慄迦甘松香

畢哩陽愚香藿香 零陵香七各四分

白梅檀香龍腦香 麝香三種各三分

牛黃雄黃香附子 杜仲木汁腴藕梢

迦娜迦果弭惹耶 俱物頭華訶黎勒

素縛羅拏訖使羅 止弭瑟努訖爛鞞

沒囉歌麼補怛囉 塞努訶訖使囉藥

素麼羅爾那矩利 乾陀那俱利惹耶

是數十七等一分 皆取精妙上好者

白月十五日於閑淨處清潔洗浴以香塗身

著淨衣服食三白食寂斷諸論作曼拏羅鬱

金香泥白梅檀香泥塗摩畫飾置不空王像

以諸香華香水燈明三白飲食敷設供養置

香壇上真言加持一百八遍和合搗治沙糖

石蜜白蜜等分加持一百八遍如法合治分

為二分盛磁器中復置壇上面東作法母陀

羅尼真言以二加持摩尼香王一千八遍奮怒王

真言五加持摩尼香王一千八遍悉地王真言

加持摩尼香王一千八遍牢固密封持勿泄

氣埋斯壇地五旬日滿發取燒焯供養一切

不空王手真言

唵喉中擡聲呼之薩縛鞞訖誡路一縛路枳鞞二旃

暮上聲加訖訖合二娜野三柘囉柘囉四柘囉

五摩訶迦嚕拏迦六娑去聲陀上聲野鉢七旃鼻

誑者野八旃暮上聲加上聲播捨歌塞蘇乙切九莎

縛合二訶十

以此真言加持香王滿十萬遍一切如來神

力加持摩尼香王名一切如來所觀察香又

名觀世音與持一切菩提願香一分燒之一

分塗熏

燒香真言

唵疾中聲呼之薩縛驪訖誡路一縛路枳驪二摩

訶暮伽上聲惹耶惹耶四莎縛二訶五

如是真言加持香王燒供養之當淨洗浴加
持香王塗身熏衣貫服清潔依法受持此真
言者則得十方一切如來神通加祐觀世音

菩薩夢覺現身與授不空智海三昧耶爲除
八難四重五逆一切諸罪一切沙門婆羅門
盡皆信仰若熏沙門婆羅門一切人者亦得
解除一切結使若白月八日十五日清淨潔
浴此香塗身著淨衣服食三白食高山頂上
仰天樓上作曼拏羅獻諸香華香水白食燒
焯香王面西供養十方一切刹土一切諸佛
菩薩摩訶薩則於十方一切刹土一切諸佛
菩薩摩訶薩前一時皆現此不空摩尼牛頭
栴檀香雲宮殿樓閣種種臺座燒焯華蓋而

供養之是時十方一切刹土一切諸佛一時
讚言善哉善哉真言者我等諸佛往昔因地
作斯供養西方淨土阿彌陀佛觀世音菩薩
大勢至菩薩一切菩薩歡喜讚歎加祐成就
不空王法及遍一切大梵天帝釋天那羅延
天摩醯首羅天日天月天星天乃至色究竟
天皆供養之是時諸天聞香氣者一時歡喜
謂讚此香從何方來作斯法者得大福蘊成
熟善根若乞雨止雨高迥望處塗曼拏羅燒
焯香王高聲緊捷誦此最勝明王真言稱難
陀龍王名跋難陀龍王名者須雨即雨須止
即止及止一切惡風暴雨雷電霹靂誦持奮
怒王真言燒焯香王一切毗那夜迦諸惡鬼
神悵惶馳走百踰膳那若燒香王誦最勝明
王真言稱摩訶迦羅名諸天神名則得降伏

而為護祐常燒香王供養誦念速得一切大願成就

金剛摩尼藥品第十七

爾時觀世音菩薩摩訶薩復白佛言世尊是

金剛摩尼藥亦能利益當來一切持真言者

與諸有情解除種種災厄病惱不吉祥相所

作諸法悉皆成就若點佩者得諸天神冥皆

擁護人民見者悉皆歡喜若塗面者面黥除

滅膚色鮮白若點眼者眼得明瑩人所相見

歡喜問訊若塗佩身誦念之者毗那夜迦諸

惡神鬼障惶馳走不相障礙得大威力如那

羅延三十三天及諸龍眾亦皆戰怖假真言

藥力動須彌山若有諸病一切災厄以藥塗

點身分肢節則得消滅若淨沐浴塗身熏衣

誦念懺悔十惡五逆一切罪障則得蠲除人

所見者歡喜相敬觀世音菩薩神通威德加祐擁護為滿一切善提境分六十四苑伽沙俱胝那度多百千如來善根相應觀攝擁護怨難災厄悉皆除滅執金剛秘密主而垂擁護若常佩戴塗身熏衣貫服清潔誦持真言得諸如來為授阿耨多羅三藐三菩提記乃至等覺坐菩提座一切天魔眾惡鬼神不相燒惱若塗鐘鼓擊奏聲曲有情聞者皆當除脫十六地獄一切罪苦及得除脫八難大怖水火崖岸刀杖怨賊虎狼蠱毒雷電等難若有鬼神鳥獸聞者業報受罪亦皆消滅捨斯身已生人天界若塗螺中樓上山大聲吹之有情聞者皆得除滅一切罪障捨斯身已上生天界若藥置幢頭解除國土鬼神災癘惡風暴雨穀米豐稔有情見者禳治災障金

剛摩尼藥等數頌曰

多誡囉香上牛黃 優鉢羅華上雌黃

蓮華鬚藥上雄黃 白栴檀香茅香根

畢覆迦香鬱金香 畢覆陽愚香龍華

縛羅迦香紫檀香 歌隸努藥青木香

路馱羅藥翳羅香 止惹底鉢得囉香

蘇曼那華惹慕迦 乾闥囉娑香迴香

散者囉娑沉水香 杜仲木汁丁香皮

白月八日治潔身服食三白食作曼拏羅置

不空王像面東安置獻諸香華香水飲食藥

置壇上悉地王真言加持和合等分加持龍

腦香麝香當和合之分作三分一分熏佩伽

曼陀羅二分服塗水煎沉水香乾陀羅娑香

白栴檀香如法合治悉地王真言丸治藥丸

佩藥捏飾若不開蓮中心上下通穿為孔彩

畫莊飾加持五色線索穿貫作囊盛之持佩

身上若惟塗服當總為丸復置壇內最勝明

王真言奮怒王真言悉地王真言加持是藥

一千八遍日日供養乃至藥乾若常佩者當

趣三藐三菩提若服塗者能治一切鬼神之

病風濕疥癬惡瘡毒腫癰腫痔病癩病頭痛

喉腫口瘡眼耳鼻舌齒脣心腹疼癰痲痢種

種諸病盡皆治之若腹病者煖水和服若身

外病冷水和塗若男佩者繫左肘上若女佩

者繫右肘上是佩藥者能勤精進依法護持

得大勇猛猶若我身若點額塗身九熏服淨衣

修治諸法速皆成就為人愛敬若常戴佩如

法誦念速得成就若右腕佩掐珠誦念得大

威力若繫頸下誦念之者速得諸法相應現

前若二手腕佩修治布施得無盡手獲大功

德若膏上佩渡江河海不爲水獸而相災害
又法銀造三十二葉蓮華臺內空合盛佩藥
丸藥熏藥於閑淨處白月八日潔治身服食
三白食淨治飾地作曼拏羅如法模畫標飾
界位置悉地王像面西置銀蓮華當壇心上
獻諸香華香水果子飲食酥燈燒沉水香白
梅檀香蘇合香日日隨心種種供養晝夜斷
語依法作法最勝明王真言奮怒王真言悉
地王真言加持白芥子打蓮華臺滿三萬遍
或六萬遍或九萬遍或十二萬遍或十六萬
或十九萬或二十二萬每白月八日斷食作
法當中夜時或五更時銀蓮華上放大光明
於虛空中出大音聲悉地王像言善哉善哉
是時空中一切如來一時現身證斯相時身
心適悅執持蓮藥高聲迅誦最勝明王真言

一千八遍請觀世音神通威力請一切佛神
通威力垂祐加被又誦悉地王真言一千八
遍捧戴蓮藥即得神通騰空自在那羅延天
持千輻輪現身祐護不順命者則皆摧伏十
二百千俱胝大真言仙王恭敬讚護證不空
大摩尼幢三摩地授得不空廣大光焰繚索
執持遊往十方刹土覩見一切諸佛菩薩諸
大神變爲諸如來讚歎安慰證大摩尼金剛
觀察光明照耀清淨之身一切天龍八部鬼
神盡皆降伏殷敬擁護壽命千劫常往西方
觀觀諸佛菩薩神通演諸深法以此三昧亦
能示現觀世音身及能示現觀世音七寶宮
殿亦能作大神通入於地下六十四百千真
言明仙大宮殿中自在無礙若繫右臂證諸
秘密真言明仙三昧耶若繫左臂證諸藥又

羅刹三昧耶若繫鬘上證摩尼寶三昧耶若
繫右膝見諸藥精採取無闕若繫右脛得乘
第一風輪遊往一日一夜往返輪還三千大
千世界無所障礙若繫右脚掌入於地下過
七重金剛際地出入無闕若藥含服誦念之
者須臾千言舌相柔輒若常服者得大智慧
如意摩尼瓶品第十八

爾時觀世音菩薩摩訶薩復白佛言世尊是
不空悉地王最勝如意摩尼瓶三昧耶能成
出世世間一切諸法亦如不空如意輪陀羅
尼能與有情作大寶處其瓶以金以銀以銅
以碼碯以鍮鈳以磁以泥隨力辦作瓶如珠
形中受一斗底象覆蓮口象瓶口內外填飾
透瓶身上圖畫蓮華圍遠項口畫華鬚藥題
記四方中層東北面葉上多羅菩薩半跏趺

坐東面葉上不空羅索觀世音菩薩結跏趺
坐東南面葉上毗俱胝觀世音菩薩半跏趺
坐南面葉上除八難觀世音菩薩結跏趺坐
右畔葉上執金剛秘密主菩薩結跏趺坐西
南葉上濕廢多白身菩薩半跏趺坐西面葉
上十一面觀世音菩薩結跏趺坐西北面葉
上白衣觀世音菩薩半跏趺坐北面葉上
如意輪觀世音菩薩一手執輪一手執蓮華
一手掌如意寶珠一手掌頰一手膝上執持
數珠一手按地結跏趺坐右畔葉上僞理菩
薩手執蓮華半跏趺坐此諸菩薩面目熙怡
華冠瓔珞耳璫鑲釧天諸衣服種種莊嚴坐
蓮華座上層東北面葉上伊首羅天子摩醯
首羅天子東面葉上大梵天子帝釋天子日
天子東南面葉上大自在天子火天神苦行

仙衆南面葉上那羅延天子焰摩王西南面
葉上俱廢羅天子婆馱縛天子西面葉上水
天子月天子西北面葉上風天子淨居天子
北面葉上一切諸天二十八宿天七耀星天
是諸天等種種衣服具莊嚴之半跏趺坐下
層東面葉上提頭賴吒天王左手把槩右手
揚掌半跏趺坐東南面葉上度底使者弁及
眷屬南面葉上毗嚕訶天王左手執槩右
手揚掌半跏趺坐西南面葉上功德天地天
神半跏趺坐西面葉上毗嚕博叉天王眉間
一目左手持槩右手掌獨股金剛杵半跏趺
坐西北面葉上辯才天俱摩羅天半跏趺坐
北面葉上多聞天王左手執槩右手把獨股
金剛杵半跏趺坐東北面葉上白象毗那夜
迦一髻羅刹女使者半跏趺坐是四天王種

種衣甲天衣莊飾諸天使者天諸衣服而莊
飾之其瓶周帀種種寶承間錯莊嚴瓶座華
座以白梅檀木或楓香木或栢木或木檻木
與瓶相稱刻開蓮華周帀畫彩一如蓮華一
一葉上諸器仗印以淨香水淨白芥子當令
曝乾盛滿瓶中淨帛蓋上白芥子龍腦香麝
香牛黃雄黃和合末治置於帛上復以緋帛
重疊覆上上置七寶白月八日治潔身服食
三白食淨治其地作曼拏羅基高一肘堅築
平填以瞿摩夷黃土泥周遍塗摩以諸香泥
重上摩拭規郭界院內院二肘純白梅檀香
泥又遍塗摩純鬱金香泥梅檀香泥中畫三
十二葉開敷蓮華繞華四面畫蓮華髮外院
一肘四面除門畫開蓮華四門畫蓮華髮四
面臺上置種種印標飾界道如意寶瓶置華

臺上獻諸香華香水果菰三白飲食種種華
鬘酥燈油燈稻穀華白芥子白梅檀香沉水
香蘇合香熏陸香或餘諸香而供養之六時
結界護身護伴燒焯廣博摩尼香王供養諸
佛菩薩摩訶薩一切諸天請召作法每日如
是作新淨者敷設供養勿令間斷日日當以
奮怒王真言加持白芥子水灑散寶瓶而結
護之以大悲心輪印觀置十方一切諸佛如
來微妙淨身放金色光照融寶瓶一切菩薩
諸天神像光明赫奕以一切如來金剛法性
如意摩尼般若文字光明熾焰三摩地誦持
最勝明王真言悉地王真言加持如意瓶內
外圓光滿十萬遍或二十萬遍當十五日夜
五曉時瓶自旋轉放種種光於虛空中出大
梵聲種種歌詠是時身心明朗喜愉如意瓶

上一切菩薩諸天神像放大光明是時燒香
闍伽供養誦奮怒王真言加持白芥子散於
瓶上瓶中出大梵聲讚言善哉善哉持真言
者汝今成就大如意瓶汝從今去以此寶瓶
求上中下三昧耶者悉得圓滿言下法者當
求種種醫方呪術工巧技藝歌唱讚詠種種
財寶皆得圓滿言中法者當求種種聲明之
論辯才文持義持總持一切經論歷數算計
皆得圓滿言上法者當求識見一切諸佛菩
薩金剛諸天宮殿一切藥叉羅刹神鬼官殿
一切陀羅尼智三摩地入諸法會三摩地入
諸地位三摩地皆得圓滿若時亢旱惡風暴
雨雷電霹靂疫疾諸災治地摩壇當置寶瓶
修治作法乞之止之皆得遂願當取瓶上白
芥子龍腦香麝香牛黃雄黃真言加持杜仲

木汁和合爲丸真言加持赤黃牛乳和藥點頂髮際額上肩上手脚掌上則得神通百千俱胝真言仙衆一時現前不爲一切藥叉羅刹鬼神覩見若服餌者壽命萬歲當得悟解一切論辯一切陀羅尼真言曼拏羅印三昧

改二

十四

耶若藥點臍渡江河海不爲水獸而相災害若藥點頂往於軍陣鬪諍之處俱生和解若和酥服得大威力等十白象掌弄白象不以爲難若塗二臂力敵百人相扞相撲盡皆得勝若天寺中而誦真言稱諸天名一百八遍以藥置於天寺舍中得諸天神而自臣伏風雨順時無諸災疾若藥置於人家門頭其家歡喜無諸疫疾鬼神等病若藥置於寺門頭者僧衆安樂無諸惱疾住大慈心若藥置於聖僧座下不爲鬼神偷諸食味常令衆僧得

上味食若置鉢中巡門乞食速得上食若門若路一切人民見斯鉢者皆滅垢障若藥置於舍利塔中當日日得大施福若藥置於觀世音像足下者每日誦念不空罽索心王陀羅尼真言一百八遍令諸人民自常供養觀世音菩薩長不斷絕若藥置於十字道中一切鬼神被逐馳怖不相侵惱若藥置於高山頂上一切藥精放光出現取之無畏所有有情住是山者則得解除一切災障周遶是山百踰膳那無諸疫疾鬼神等病若施諸人而頂佩者觀世音菩薩而常憶念滅諸罪障改二
十五
一切災厄若藥置於田中苗實豐熟不爲蝗蟲惡風災暴若藥置於庫藏中者財寶穀帛而無散耗若有有情短命薄福被諸毗那夜迦一切鬼神作煩惱者香湯和藥數數浴身

一切病障宿積罪垢一時除差世間所樂一切諸法隨心作之盡得成辦

如來加持品第十九

爾時釋迦牟尼如來舉伸右手摩觀世音菩薩摩訶薩頂讚言善哉善哉摩訶薩能以自在大神通力顯現演斯世未曾有不空罽索心王陀羅尼真言三昧耶悉地王真言曼拏羅印三昧耶如意寶瓶與瞻部洲苾芻苾芻尼淨信男淨信女安立成就不空悉地王真言曼拏羅印三昧耶如意寶瓶皆獲利益得大安樂今受持者勤讀誦持得佛菩提轉法輪處我今以是受持讀誦此三昧耶者付囑於汝令得成就最勝悉地汝當護念種種加持與諸法願我亦種種成就加持無量三昧功德善根而成就之爾時觀世音菩薩摩訶

薩歡喜踴躍熙怡微笑合掌恭敬頂禮雙足又白佛言世尊我誓遍於十方一切三千大千世界所有一切有情等以大悲心盡皆攝受乃至傍生水陸之類一切有情亦盡攝受為與解除一切業報種種苦惱皆住菩提不退轉地世尊彼等有情專念我名欲得真實成就法者我皆觀察加祐護持為作成就復有有情為脫諸苦亦念我者亦以大悲慈善根力攝護觀察為脫諸苦世尊復有有情善明法式謂求解脫發大悲心常勤精進晝夜

改二

十六

六時受持讀誦是不空罽索心王陀羅尼真言解脫蓮華曼拏羅印三昧耶悉地王真言曼拏羅印三昧耶恭敬供養依法修者我最偏急憐同觀察愛念守護頂戴擔負常不放捨以大悲力愛念此人心不滿足心不放捨

謂得種種示教利喜得大解脫住菩提道滿一切願擁護利益是以我心而不滿足而不捨離世尊復有有情為斯教網流傳示現亦能精勤依法修治恭敬供養此三昧耶受持讀誦思惟聽聞善解文義修治法式世成就者復有有情暫聞此三昧耶一章句者我皆隨逐祐護利益當應與證出世世間一切勝願安住菩提不退轉地若有傍生水陸之類一切有情若得聞此真言三昧耶文詞章句我亦當與住不退地世尊何況清淨有情常依法住持戒精進以大悲心晝夜六時依法受持讀誦此不空竊索心王陀羅尼真言最勝廣大解脫蓮華曼拏羅印三昧耶者而豈不與現證一切三摩地耶世尊如是清淨依法受持真言之人此乃真非臭穢之身應

知此人是天中後二天微妙淨身世尊十七由斯因緣我則常能頂戴擔負世尊云何證知斯人是天中天微妙淨身世尊緣此不空竊索心王陀羅尼真言廣大解脫蓮華曼拏羅印三昧耶圓在斯人藏識中住由是不空竊索心王陀羅尼真言廣大解脫蓮華曼拏羅印三昧耶威神力故說此人身必定是名天妙淨身世尊當知此人即是不空悉地三昧如意寶身應知即是如來藏曼拏羅印法之身應知即是不空竊索心王陀羅尼真言曼拏羅印法之身應知即是離於慳貪嫉妬之身應知即是清淨無垢之身應知即是一切天龍藥叉羅刹乾闥婆阿素洛蘂魯荼緊那羅摩呼羅伽人非人等恭敬供養身應知即是三十三天恭敬讚歎擁護之身應知即是七十二

疏伽沙俱胝那度多百千如來前植種善根
成熟相應身應知即是阿彌陀佛法身應知
即是一切菩薩摩訶薩敬護加被身應知即
是執金剛秘密主菩薩敬護祐身應知即是
甚深大海廣無際身應知即是須彌山王身
應知即是清淨虛空大摩尼寶身應知即是
真實舍利塔身應知即是一切如來授記加
被身世尊應知此不空縹索心王陀羅尼真
言廣大解脫蓮華曼拏羅印三昧耶有大威
德有大神通是真實出世間法世尊末世
彼諸有情多有貪瞋愚癡嫉妬恨戾懈怠一
切重罪纏裹身心三業不淨不定信此三昧
耶甚深明教又不明解受持修習真言明印
儀式觀智一一文義三昧耶故世尊如斯有
情晝夜常有種種憊咎積聚障累相續不絕

雖復受持讀誦改二供養時數間斷不專誦持若十八
不成就非我過咎世尊如斯有情雖不證成
菩提三昧但為災厄種種惱疾即便稱念受
持讀誦我此不空縹索神變陀羅尼真言法
教我亦常與夢覺現身加被擁護世尊我雖
數數現身警覺此輩有情由自身業惡作惡
觀雜漏充滿亦不識我亦不憶我亦不須更
定心思惟觀照念我如此有情云何得度世
尊末世復有有情志定堅固持戒精進又復
深信此真言教受持讀誦係念思惟觀照我
身我則常得現身與語同住同事世尊我雖
為現亦不識知是我之身世尊我所現者為
現沙門身執持應器或現淨行婆羅門身或
現刹帝利身或現商人身或現國王身或現
宰官大臣身或現朋友身或現父母身或現

兄弟姊妹身或現童男童女身或現內外親族身或現和尚闍黎身或現同學身世尊是真言者雖見此等諸相善應數數察候語義威儀庠序意旨說諸語話常顧占筭見是相時即知此是觀世音化身示同我伴言論法

改二

十九

事世尊我作如是相貌現者爲與方便顯教誘引種種度脫滿諸願故世尊我若作商人身者於市邸店大衆之中而作種種廣大貨易隨類隨事評量言說或復隨處聚落大衆示同類人一一共談四毗陀論或說內外一切大聲明論或作種種題篇諷詠絃管歌唱鼓樂之人皆爲上首或復解說毗奈耶藏阿毗達磨藏大乘素怛羅藏乃至塢波提舍等經種種文義或同淨行大婆羅門解說一切起世界法或說種種事火天法或說昔時帝

王種種治國相侵伐法或共一切持真言人等解說種種陀羅尼真言曼拏羅印三昧耶安隱之法豐饒之法降鬼神法解怨讎法世尊於諸衆中作是現者云何證知我在衆中世尊當以三相現身驗知一者所問隨事典切柔和質直相應語答二者口氣香潔如優鉢羅華香龍腦香言音美麗清朗和雅三者身氣香潔如梅檀沉水一切諸香或復隨類同上中下各現種種姿畏醜陋全穢之身威雄越衆世尊若有遇是相者則見觀世音菩薩摩訶薩應化之身或於睡中爲現種種善夢瑞相誘進令滿一切善提不退願地世尊我常以斯善巧方便處處現身令彼有情以少功力而則護得世間隨身一切樂具盡皆充足世尊如斯見者惟除嫉妬妄語邪見諂

曲有情而不見矣世尊我見如斯嫉妬妄語
邪見諂曲有情一切諸天善神使者不護觀
錄如有有情雖不現身得證成就我亦爲於
當所生處與大成辦世尊以大悲力運攝我
心度脫當來一切有情皆與種種菩提種子
潤液藏識爾時釋迦牟尼如來十方刹土一
切如來一時讚言善哉善哉蓮華手汝能具
以大悲之力運攝當來一切有情度脫生死
貪愛獄縛其中有情爲受種種刑戮怖畏獄
縛禁閉窮頓暴露饑羸惶惶或爲一切罪障
災厄種種病惱聽聞讀誦此真言典一品之
法我等謂爲除脫諸苦同作攝受加被授記
何況廣大依法精進清淨觀照受持讀誦不
空絹索心王陀羅尼真言廣大解脫蓮華壇
印像法香法藥法恭敬供養而自書寫教他

書寫我等諸佛豈不與證阿鞞跋致地耶應
知斯人則當種種承事供養十方刹土一切
如來蓮華手若末世中有苾芻苾芻尼族姓
男女白月八日不食不語依法輪結不空絹
索印母陀羅尼真言加持印加持印頂奮怒

王印奮怒王真言加持印加持印頂者應知
斯人即是如來身已得如來法性藏故此人
不應於諸有情而生倨傲我慢自慢應於一
切有識有情起大悲心常備修治此三昧耶
者或復有人入茲三昧耶曼拏羅者或復有
人但當讀誦此經典者如是等人皆得名入
東西南北四維上下十方殫伽沙數一切佛
刹覩見一切如來秘密三昧耶亦名得見一
切如來法報化身若常依法結印印頂即名
常得一切如來爲授灌頂大福德蘊稱歎善

根成熟相應我等如是大稱讚者皆是旃曇
 伽王神通功德三昧耶若復有人見斯神通
 經卷像者則名等見九十二苑伽沙俱胝那
 庾多百千一切如來應正等覺三十二大人
 相八十妙好無量功德法報化身當得我等
 一切如來祐護攝受解除五逆十惡重罪隨
 得一切大福聚蘊而自相應如斯之人名後
 邊身捨此生已安樂國土蓮華受生更不退
 轉若有有情短命多病能信此經如法書寫
 受持讀誦恭敬供養係念觀照則得長壽無
 諸天疾解除貪瞋諸惡垢障當得成就大瑜
 伽定一切功德具足相應此不空絹索神變
 真言加持經等量十方一切法界一切如來
 故
 不空絹索神變真言經卷第十二

音釋

幡薄波切 扞直呂切 溥滂古切 腴奴切 黥各切
 也西上切 癰腫於容切 痔直里切 癩謬蓋切
 也黑對也 痲痲田切 疔疔亦切 痲痲音林切
 也病也 痲痲疔切 痲痲疔切 痲痲疔切
 腕烏貫切 脛胡定切 斗與斗同切 駁先合切 槩
 所角切 訖丑嫁切 曝蒲木切 愉羊朱切 箒楚切
 牙屬切 同
 冊與同